

АКАФИСТ



СВЯТИТЕЛЮ
СПИРИДОНУ
ТРИМФУНТСКОМУ



Тропарь, глас 4

Собора Пёрваго показáлся есѣ побóрник и чудотвóрец,/ богонóсе Спиридóне, óтче наш./ Тёмже мёртву ты во грóбе возгласѣв/ и змию в злáто претворѣл есѣ,/ и внигда пѣти тебѣ святѣя молѣтвы,/ А́нгелы сослужáщия тебѣ имѣл есѣ, священнейший./ Слáва Дáвшему тебѣ крѣпость,/ слáва Венчáвшему тя,// слáва Дѣйствующему тобóю всем исцелѣния.

Кондак, глас 2

Любóвию Христóвою уязвѣвся, священнейший,/ ум вперѣв зарѣю Дúха,/ дѣтельным видѣнием твоѣм деяние обрѣл есѣ, Богоприятне,/ жѣртвенник Божѣственный быв,// просѣ всем Божѣственного сияния.



АКАФИСТ

СВЯТИТЕЛЮ СПИРИДОНУ ТРИМИФУНТСКОМУ

Кондак 1

Препросла́вленный от Го́спода святы́телю
и чудотво́рче Спиридо́не! Ны́не всечестну́ю
па́мь твою́ пра́зднующе, я́ко мно́го могу́щему
споспеше́ствовать нам о просла́вльшем тя Христе́,
уми́льно вопи́ем ти: изба́ви нас от всяких бед и зол,
да с благодарéнием зове́м ти:

Ра́дуйся, Спиридо́не, предивный чудотво́рче!

Икос 1

От ю́ности украше́нный все́ми добродéтелями,
жити́ем своимъ А́нгеломъ подража́вый, ты, святы́телю
Спиридо́не, вои́стинну показáлся еси́ другъ Христовъ;
мы же, зря́ще тя, небéснаго челове́ка и земна́го а́нгела,
со благоговéниемъ уми́льно вопи́емъ ти:

Ра́дуйся, уме́, созерца́я тайны́ Пресвяты́я Трои́цы;
ра́дуйся, обогати́выйся Ду́ха пресвѣтлымъ осия́ниемъ.
Ра́дуйся, свети́льниче мно́госвѣтлый; ра́дуйся, умъ
твой безстра́стиемъ просвети́вый.

Ра́дуйся, измлада́ и́стинную простоту́ и безмо́лвие
возлюби́вый; ра́дуйся, украше́ние целомудрия́.





Ра́дуйся, любве́ неисто́щима́я стру́я; ра́дуйся, я́ко
страннолю́бию Авра́ама подража́л еси́.

Ра́дуйся, я́ко всем любвеобильно вхо́ды до́ма
своего́ отверза́л еси́; ра́дуйся, ни́щих предста́телю.

Ра́дуйся, пред ни́мже благоговéют лю́дие; ра́дуйся,
я́ко ты еси́ обита́лище Пресвята́го Ду́ха.

Ра́дуйся, Спиридо́не, предивный чудотво́рче!


Кондак 2

Ви́дяще о́стров Кипр и вся христиа́нския
страны́ нетле́нныя мо́щи тво́я, святите́лю, от ни́хже
истека́ют оби́льная исцелéния, возра́довашася; и мы,
почита́юще тя я́ко преоби́льнаго исто́чника благода́ти,
низпо́сланнаго свѣ́ше нам, вопи́ем к Верхóвному
Подáтелю Небéсных и земны́х благ: **Аллилу́иа.**

Икос 2

Ра́зум Божéственный имѣ́й, а́ще сый
па́стырь безсловéсных овец, ты произво́лением
Пастыренача́льника Христа́ избра́н был еси́ в па́стыря
овец словéсных. Вѣрнии же, разуме́вше тя до́браго
па́стыря, неусы́пно о ста́де своéм пеку́щагося,
воспе́ваху:

Ра́дуйся, архиере́е Бо́га Вы́шняго, в хирото́нии
восприя́вый оби́льно Божéственную благода́ть;
ра́дуйся, свети́льниче многосвѣ́тлый, горя́й и светя́й.





Ра́дуйся, ве́рный де́лателью в вертогра́де Христо́вом;
ра́дуйся, па́стырю, на па́жити ве́ры и благоче́стия
па́ству свою́ воспита́вый.

Ра́дуйся, сия́ньми добродéтелей твои́х мир
просвещáвый; ра́дуйся, Престо́лу Христо́ву
Божéственную Жéртву приноси́вый.

Ра́дуйся, иерáрше, разумéнием Правосла́вия
украше́нный; ра́дуйся, апо́стольскаго учéния
испо́лненный, ве́рных стру́ями спаси́тельнаго
учéния напая́й.

Ра́дуйся, я́ко и му́дрых озари́л еси́; ра́дуйся, я́ко и
просты́х серде́ца обнови́л еси́.

Ра́дуйся, сла́во правосла́вных и Це́ркве
непоколеби́мое утвержде́ние; ра́дуйся, украше́ние
отце́в, сла́ва и похвала́ иере́ев благоговéйных.

Ра́дуйся, Спиридо́не, предивный чудотво́рче.

Кондак 3

Си́лою Вы́шняго, осени́вшею тя, святите́лю
Спиридо́не, богому́др ты показáлся еси́ и, сжа́вши
длáнию глiну, трóичность Лиц всем очеви́дно уясни́л
еси́: те́мже лжемудрии фило́софи, собравшиися на
Собо́ре, ужасóшася, ве́рнии же непостижи́мага
просла́виша Бо́га, умудри́вшаго тя во спасéние,
вопи́юще Ему́: Аллилу́иа.





Икос 3

Имѣюще тя в помышлѣннихъ своихъ вси отцы Собора прѣста, неискусна в книжномъ учѣнии, молиша тя, ѡтче Спиридѣне, не препирайся словесы с ветіею, мнящимся мудр быти. Ты же, святителю, ревностию по Бѣзе распаляемый, веруя, яко проповѣдь Христова не в препрѣтельныхъ мудрости человѣческия словесѣхъ, но в явлѣнии дѹха и силы, премѹдре того обличивъ, вразумил и на путь истинный наставил еси. Вси, видевше чѹдо сие, взываху:

Радуйся, свѣте православныя мудрости; радуйся, яко глаголемыхъ быти мудрыхъ совопросниковъ посрамил еси.

Радуйся, истѣчнице, благодатию обильный; радуйся, непоколебимый столпе, твердо содержащий сущихъ в верѣ.

Радуйся, омрачаяй всепагубную ересь; радуйся, чрез негоже попрано бысть безуміе.

Радуйся, яко персть земная проповѣда твоима рукама Святыю Троицу; радуйся, яко из глины извел еси огонь и воду во утверждѣние догмата Святыя Троицы.

Радуйся, яко просветил еси люди славити Слово, воистинну единосущное Пребезначальному Отцу; радуйся, яко змиеву главу пагубныя Аріевы ереси поразил еси.



Ра́дуйся, я́ко тобо́ю пожёрта бысть злѡба; ра́дуйся, невёрнаго мудреца́ совопро́сника к ѳстинней вѣре обратѳвый.

Ра́дуйся, Спиридо́не, предѳвный чудотворче.

Кондак 4

Жизнь проводя́ в убо́жестве и нищете́, ни́щим и бе́дным был еси́ пита́тель и помо́щник и, любве́ ра́ди к ни́щим, зми́я в зла́то преложи́л еси́ и дал еси́ о́ное тре́бующему твоея́ по́мощи. Дивя́щися о чудеси́ сем, благодарственнo вопи́ем к Бо́гу: **Аллилу́иа.**

Икос 4

Слѳшано бысть всем и всѳду, я́ко святѳтель Спиридо́н воѳстинну есть жили́ще Святы́я Троицы: всели́ся бо в нем Бог Оте́ц, Бог Сло́во и Бог Ду́х Святы́й. Сего́ ра́ди ты словесы́ и дея́ньми проповѣдал еси́ всем христиано́м вопло́щеннаго ѳстиннаго Бо́га, вопию́щим:

Ра́дуйся, словѣс Бо́жих тайнниче; ра́дуйся, Домостро́ительство Бо́жие о спасѣнии ми́ра уясни́вый.

Ра́дуйся, я́ко научи́л еси́ не испѳтовати е́же есть превѳше ра́зума и му́дросте челове́ческа; ра́дуйся, непости́жимую де́йствующую в тебе́ си́лу Бо́жию яви́вый.





Рáдуйся, я́ко уста́ми тво́ими прове́ща Сам Бог;
ра́дуйся, я́ко всѣ послу́шаху тебѣ в сла́дость.

Рáдуйся, мглу идолослужѣния разгна́вый; ра́дуйся,
я́ко мно́гих к ѳстинней вѣре привѣл еси́.

Рáдуйся, я́ко главы́ невидимых зми́ев порази́л
еси́; ра́дуйся, я́ко тобо́ю прославля́ется вѣра
христиа́нская.

Рáдуйся, я́ко свѣтло озаря́еши всех ублажа́ющих
тя; ра́дуйся, побóрниче христиа́нския вѣры и
Правосла́вия.

Рáдуйся, Спиридо́не, предѣвный чудотво́рче.

Кондак 5

Божѣственнаго Ду́ха преиспо́лнен был еси́,
святѣтелю Спиридо́не, ра́ди добродѣтельнаго
житѣя твоего́; занѣ кро́ток, ми́лостив, чист се́рдцем,
терпели́в, непамятозло́бив, страннолю́бец был еси́:
сего́ ра́ди Творѣц и в чудесе́х пресла́вна показá тя. Мы
же, прославля́я Бо́га, просла́вльшаго тя, вопи́ем Ему́:
Аллилу́иа.

Икос 5

Равноа́нгельна Спиридо́на зрим, вели́каго
чудотво́рца. Некогда страна́ от бездо́ждия и за́сухи
вельми́ пострада́: бысть глад и я́зва, и мно́гое
мно́жество люде́й умро́ша, моли́твами же святѣтеля



снѣде с небесѣ на зѣмлю дождь; людіе же, избáвльшесе от бѣдствия, благодарственнó взывáху:

Рáдуйся, вели́кому проро́ку Или́и уподо́бивыйся; рáдуйся, я́ко дождь, отъѣмлющій глад и недúги, благоврѣменне низвѣл есѣ.

Рáдуйся, пáки молѣтвами своѣими нѣбо заключѣвый; рáдуйся, я́ко немилосѣрдаго купцá лишѣнием имѣния наказáл есѣ.

Рáдуйся, я́ко трѣбующим пѣщю обѣильно даровáл есѣ; рáдуйся, я́ко любоблагоутрѣбие Бóга к людемó подвизáеши.


Рáдуйся, взѣмляй нѣмощи немощнѣх; рáдуйся, богоблагодáтный человекó помощниче.

Рáдуйся, болящим здравіе подавáяй; рáдуйся, егóже трепѣщут дѣмони. Рáдуйся, безчѣсленных чудѣс истóчниче.

Рáдуйся, Спиридóне, предѣвнѣй чудотвóрче.

Кондак 6

Завѣса ветхозавѣтнóй скѣпнии закрывáше во Святáя Святѣх ковчѣг, мánну и скрижáли. И храм твой, святѣтелю Спиридóне, имѣет рáку твою́, я́ко ковчѣг, святѣя мóщи твоя́, я́ко мánну, сѣрдце твоѣ, я́ко скрижáли Божѣственная благодáти, на нѣхже зрим начертáнную песнь: **Аллилúиа.**





Икос 6

Народ Кіпра некогда за умножение беззаконий наказá Господь бесплодием земли, егда же прииде к святому Спиридону знаемый земледелец, прося помощи, даде ему святы́й злато; мину́вшу же бѣдствию, земледелец о́ный возврати́ паки злато, И – о чудесе – злато змий бысть. Прославляюще Бóга, дивнаго во святых Своих, вопиём:

Ра́дуйся, я́ко Моисе́ю, чуде́сно преложи́вшему
жезл в зми́я, подража́л еси́; ра́дуйся, человеколю-
би́вый па́стырю, избавля́й от бед словесны́я о́вцы
ста́да своегó.

Ра́дуйся, обильно́ всех все́ми блага́ми обогаща́й;
ра́дуйся, я́ко Или́я, бѣдных пита́вый.


Ра́дуйся, немилосѣрдых к милосѣрдию обраща́й;
ра́дуйся, достоподража́емый примѣр любве́ для
челове́ков, в ми́ре живу́щих.

Ра́дуйся, ве́рных и неве́рных в беда́х утешѣние;
ра́дуйся, дре́во сенноли́ственное, град и страну́
осеня́ющее.

Ра́дуйся, сла́во и похвало́ керкірян; ра́дуйся, над
вла́гою и су́шею, знóем и хла́дом благода́тию Бóжиею
влады́чествуай.

Ра́дуйся, уста́вы земли́ моли́твою пременя́й;
ра́дуйся, б́дущая, я́ко настоя́щая, провиде́вый.

Ра́дуйся, Спиридóне, предивный чудотворче.





Кондак 7

Ходатай пред Господем за всех явился еси, святителю Спиридоне. Сего ради и мы прибегаем под кров твой, ищущие спасения, вси бо помощника тебе имама во всех нуждах, во время глада, смертоносных язвы и во вся години бед и искушений. Сего ради благодарственно вопием Богу: **Аллилуиа.**

Икос 7

Новое чудо видим и боголепное; егда ты, отче, шествовал избавити неповинно осужденного на смерть, бурный поток прегради путь тебе; ты же именем Всемогущаго Бога повелел ему стати и прешел еси со спутники чрез реку, яко по суху. Слава о сем чудеси распространися всюду, и вси прославиша Бога, вопиюще к тебе:

Радуйся, яко иногда Иисус Навин чрез Иордан, реку по суху прешедый; радуйся, речная устремления гласом своим укротивый.

Радуйся, яко трудный путь предпринял еси, движимый милосердием; радуйся, яко клевету разрушил еси и неповинного от уз темницы и напрасных смерти избавил еси.

Радуйся, жизни по Бозе благий поспешниче; радуйся, неповинно угнетенных защитителю.

Радуйся, уставов естества воднаго пременителю;



ра́дуйся, я́ко суди́ю вразуми́л еси́ и от убíйства спасл еси́.

Ра́дуйся, и́стинное исправле́ние душ; ра́дуйся, дíвная си́ло, пото́ки удержава́ющая.

Ра́дуйся, услажда́ющий сердца́ челове́ков, к тебе́ притека́ющих; ра́дуйся, человеколю́бию Авраа́ма подража́телю.

Ра́дуйся, Спиридо́не, предíвный чудотво́рче.

Кондак 8

Стра́нник и пришле́ц был еси́ на земли́, я́коже и прóчии челове́цы. Оба́че из чре́ва ма́тере Всеведу́щий вели́каго уго́дника и чудотво́рца показá ты, святítiлю Спиридо́не: бе́сы бо изгоня́еши, всякую́ боле́знь и я́зву исцеля́еши, помышле́ния люде́й зри́ши, те́мже и дíвен во святы́х показáлся еси́. Мы же, возсыла́юще моли́тву ко Благода́телю всех Бо́гу, вопие́м ему́: **Аллилу́иа.**

Икос 8

Весь мир у́жасом мно́гим содрогну́ся, егда́ услы́ша, я́ко смерть, по гла́су твоemú, возвра́щает из гробо́в мертвецы́ своя́, и возопи́:

Ра́дуйся, уме́ршую дочь свою́, да яви́т вруче́нное ей сокрови́ще, к жи́зни воззва́вый; ра́дуйся, ско́рбную вдови́цу, на сохране́ние зláто вда́вшую, утешíвый.



Ра́дуйся, уме́ршее отроча́ из ме́ртвых воскре́сивый;
ра́дуйся, я́ко ма́терь его́, внеза́пно от ра́дости
уме́ршую, оживи́вый.

Ра́дуйся, я́ко уподо́бился еси́ Или́и, моли́твами
сы́ну саре́птския́ же́ны́ жизнь возвра́тившему;
ра́дуйся, я́ко и Елисе́ю, возбу́дившему от сме́рти
отроча́ подража́л еси́.

Ра́дуйся, па́стырю, при́искренне лю́бящий
челове́ки; ра́дуйся, же́не блудни́це, слеза́ми но́зе
тво́й омывше́й, грехи́ и́менем Бо́га отпу́стивый.

Ра́дуйся, свята́ю ре́вность верхо́внаго апо́стола
стяжа́вый; ра́дуйся, я́ко нераска́янная греше́ница, по
глаго́лу тво́ему, в тяжких боле́знях у́мре.

Ра́дуйся, земли́ плодонос́ие моли́твами тво́ими
испроси́вый; ра́дуйся, непрело́жное воскре́сения
челове́ков увере́ние.

Ра́дуйся, Спиридо́не, предивный чудотво́рче.

Кондак 9

Ду́ха Божество́ннаго осия́нными озаре́н был еси́,
святите́лю Спиридо́не, имёл бо еси́ ду́ха премудро́сти,
я́ко му́дрыми словеси́ безу́мных обуи́л еси́ и посреде́
отце́в ве́ру утверди́л еси́, ду́ха ра́зума, я́ко умы́
омраче́нныя озари́л еси́; ду́ха стра́ха Бо́жия, я́ко вину́
де́ланиа́ богоу́годными́ ду́шу очи́стил еси́. Те́мже,
предста́в Престо́лу Вы́шняго, с со́нмом А́нгелов
воспева́еши Ему́: **Аллилу́иа.**



Икос 9

Жезл па́стыря словéсных овéц от Па́стырeначáльника Гóспода Иисúса приéмый, святýй Спиридо́н не прeмени́ жити́я своeго́: нестяжáтелен, крóток, любвé рáди вся терпáй, не постыдéся пещи́ся и о ста́де безсловéсных овéц. Вся си́я возбуждáют нас слáвити Бóга и вzywáти тебé:

Рáдуйся, слáву мiра сегó я́ко сýетную презрéвый; рáдуйся, мзду мнóгу на Небесéх стяжáвый.

Рáдуйся, крáсная мiра сегó в умéты вменiвый: рáдуйся, сосúде небéсных благ.


Рáдуйся, святéйшая пáжите киприóтов; рáдуйся, я́ко тебé рáди Бог хи́щников овéц твои́х невидимыми úзами связá.

Рáдуйся, тáтем отéческое вразумлéние препода́вый; рáдуйся, по милосéрдию твоeмú за проведéнную без сна но́щь óвна им даровáвый.

Рáдуйся, непослушáнием кóзлища, я́ко бы рáзум имúшаго, купцá, утайвшаго цéну eго́, обличiвый; рáдуйся, утайвшаго срéбреники тво́я к покая́нию привeдýй.

Рáдуйся, я́ко стра́сти корыстолю́бия увещáнием своiм исцели́л еси́ eго́.

Рáдуйся, Спиридо́не, предiвный чудотвóрче.





Кондак 10

Спасаяй души па́ствы, Бо́гом тебе́ ввѣренныя, ты, святѣтелю Спиридо́не, произво́лением Бо́жиим, зван был еси́ явѣти сла́ву свою́, па́че же сла́ву и́стиннаго Бо́га, и в инѣя страны́, да всю́ду сла́вят ѡ́мя Бо́жие, вопи́юще: **Аллилу́иа.**

Икос 10

Ско́рый помо́щник и заступник во вся́ких ну́ждах и ско́рбех, святы́й Спиридо́н, по повелѣнию царѣву, я́коже и прѣчии па́стыри, при́иде во град Антиохію, иде́же бе одержи́мый болѣзнию царь Константи́н; святѣтель главы́ его́ косну́ся и сотвори́ здра́ва. Сему́ чудеси́ дивя́щеся, вопи́ем ти:

Ра́дуйся, е́гоже в со́нном видѣнии А́нгел, я́ко целителя, яви́ царю́; ра́дуйся, Божѣственныя ра́ди любве́ трудо́ный путь в ста́рости восприя́вый.

Ра́дуйся, царѣву рабу́, уда́рившему тя в ланѣту, по за́поведи Спасителя, друго́ю подста́вивый; ра́дуйся, сто́лпе смире́ния.

Ра́дуйся, моли́твами сво́ими слѣзно прося́щему царю́ здра́вие дарова́вый; ра́дуйся, я́ко уничиже́нием сво́им раба́ вразумѣл еси́ и немѣлостивый нрав его́ пременѣл еси́.

Ра́дуйся, я́ко благоче́стию и милосѣрдію царя́ научѣл еси́; ра́дуйся, я́ко, ненави́дѣя земна́я сокрови́ща, зла́то царя́ отвѣргл еси́.



Ра́дуйся, я́ко ученика́ своего́ Трифи́ллиа от
пристра́стия к земны́м блага́м отврати́л еси́ и
сосúдом благода́ти Бо́жия соде́лал еси́; ра́дуйся,
я́ко прише́дшу тебе́ в Алекса́ндрію ідоли падо́ша.
Ра́дуйся, ему́же и бе́си повинúются; ра́дуйся, я́ко
от идолослужéния мно́гих отврати́л еси́.

Ра́дуйся, Спиридо́не, предівный чудотво́рче.

Кондак 11


Пéние а́нгельское бысть, егда́ во хра́ме приноси́л
еси́, святителю́ Спиридо́не, вече́рняя моли́твы
Твоя́, и не бе́ша сослужа́щи тебе́. Жи́телие же
гра́да, дівное пéние слы́шавше, внидо́ша в храм и,
никого́ же ви́девше, с Го́рними си́лами воспева́ху:
Аллилу́иа.

Икос 11

Светоза́рное со́лнце мірови, собесéдник А́нгелов
был еси́ на землі, святителю́ Спиридо́не; преда́в
же дух твой в ру́це Бо́жии, пресели́лся еси́ в го́рняя
селéния, моля́ся за мир пред Престо́лом Влады́ки. Мы
же, живу́щи на землі, вопи́ем ти:

Ра́дуйся, я́ко тебе́, ещé живу́ сúщу, сослужа́ху
А́нгели; ра́дуйся, псалмопéние Арха́нгелов
слы́шавый.

Ра́дуйся, ви́димый о́бразе на́шего преображéния;





ра́дуйся, яко недоста́вшу елею в хра́ме Бог тебе́
ра́ди с избы́тком лампа́ды напо́лни тем.

Ра́дуйся, лампа́до Божества́ннаго сия́ния; ра́дуйся,
сосу́де благода́ти Бо́жией, оби́льно, подо́бие елею́,
наполня́ющей ду́шу твою́.

Ра́дуйся, неизсяка́емый исто́чнице, прісно
источа́ющий всем то́ки благода́ти; ра́дуйся, о нёмже
изумля́ются А́нгели.


Ра́дуйся, преслуша́ние диа́кона в хра́ме наказавый;
ра́дуйся, тщесла́вившагося сво́им гла́сом, и гла́са и
язы́ка лиш́ивый.

Ра́дуйся, яко во вре́мя зно́я, внеза́пу роса́,
снизше́дшая свѣ́ше, свяще́нную твою́ главу́
прохлади́; ра́дуйся, в зна́мени сем бли́зость
преставле́ния свое́го прови́девый.

Ра́дуйся, Спиридо́не, предивный чудотворче.

Кондак 12

Покро́в и прибе́жище бы́вый всем к тебе́
притека́ющим ве́рным ещѣ в жити́й твоём, ты,
святите́лю, не оста́вил еси́ нас си́рых и по твоём
успе́нии; Бог, побежда́ющий естества́ чин, сохрани́
святы́е мо́щи тво́я нетле́нными во укрепле́ние
правосла́вныя ве́ры и благоче́стия, в зна́мение
безсме́ртія, Егóже прославля́юще, вопи́ем:
Аллилу́иа.





Икос 12

Воспеваемъ тя, святителю Божий, яко удивил еси мир чудесы, истекающими от святыхъ мощей твоихъ. Все бо с верою приходящи и лобызающии ихъ получаютъ вся благопотребная просимая. И мы, давшаго тебе крепость, венчавшаго тя венцемъ нетления и действующаго тобою Бога прославляюще, вопиемъ ти:


Радуйся, во время глады корабельникомъ явивыйся, и пищу доставити повелевый; радуйся, слепымъ, с верою притекшимъ къ святымъ мощемъ твоимъ, зрение даровавый.

Радуйся, от неисцельныхъ болѣзни отрока исцеливый; радуйся, бѣса из жены изгнавый и здравую сотворивый.

Радуйся, возбранный воеводо Керкиры; радуйся, яко полчища злочестивыхъ агарян изгналъ еси и кораблей ихъ в пучине потопилъ еси.

Радуйся, егже видѣша окруженнаго сонмомъ Ангеловъ, в деснице меч державша и в трепетъ враговъ привѣдша; радуйся, создати себѣ храмъ, во еже совершати в немъ литургию на прѣсномъ хлѣбе, воеводе возбранивый.

Радуйся, воеводу латинскаго лютою смертию поразивый; радуйся, молниєю изображеніе его в домѣ в Венеции сожгший.





Ра́дуйся, отсту́пльства и лжемудрова́ния За́пада посрами́вый; ра́дуйся, еди́ную правосла́вную ве́ру бы́ти и́стинную и спаса́тельную для челове́ков утверди́вый.

Ра́дуйся, Спиридо́не, предивный чудотво́рче!

Кондак 13

О пречу́дный святите́лю Христо́в, о́тче Спиридо́не! Ны́нешнее на́ше моле́ние прие́м, изба́ви нас от всех бед и напа́стей, укрепí на враги́ страну́ на́шу, да́руй нам оставле́ние прегреше́ний и изми́ от ве́чныя сме́рти всех вопию́щих о тебе́ к Бо́гу: Аллилу́иа!


Этот кондак читается трижды.

Икос 1

От ю́ности украше́нный все́ми добродете́лями, жити́ем свои́м А́нгелом подража́вый, ты, святите́лю Спиридо́не, вои́стинну показале́ся еси́ друг Христо́в; мы же, зря́ще тя, небеса́наго челове́ка и земна́го а́нгела, со благоговени́ем умиле́нно вопие́м ти:

Ра́дуйся, уме́, созерца́яй та́йны Пресвяты́я Тро́ицы; ра́дуйся, обогати́выйся Ду́ха пресве́тлым осия́нием. Ра́дуйся, свети́льниче многосве́тлый; ра́дуйся, ум твой безстра́стием просвети́вый.

Ра́дуйся, измла́да и́стинную простоту́ и безмо́лвие возлюбíвый; ра́дуйся, украше́ние целому́дрия.





Ра́дуйся, любве́ неисто́щима́я стру́я; ра́дуйся, я́ко
страннолю́бию Авра́ама подража́л еси́.

Ра́дуйся, я́ко всем любвеобильно вхо́ды до́ма
своего́ отверза́л еси́; ра́дуйся, ни́щих предста́телю.

Ра́дуйся, пред ни́мже благоговéют лю́дие; ра́дуйся,
я́ко ты еси́ обита́лище Пресвята́го Ду́ха.

Ра́дуйся, Спиридо́не, предивный чудотво́рче!

Кондак 1

Препросла́вленный от Го́спода святите́лю и
чудотво́рче Спиридо́не! Ны́не всечестну́ю па́мять твою́
пра́зднующе, я́ко мно́го могу́щему споспешествовати
нам о просла́вльшем тя Христé, умильно вопиéм ти:
изба́ви нас от всяких бед и зол, да с благодарéнием
зовéм ти:

Ра́дуйся, Спиридо́не, предивный чудотво́рче!

Молитва первая

О вели́кий и пречу́дный святите́лю Христóв и
чудотво́рче Спиридо́не, Керки́рская похвало́, всея́
вселénная свети́льниче пресве́тлый, тёплый к Бо́гу
моли́твенниче и всем к тебе́ прибега́ющим и с véрою
моля́щимся скоропредста́тельный засту́пниче! Ты
véру правосла́вную на Никéйстем Собóре посреде́
отце́в пресла́вно изъясни́л еси́, ты еди́нство Святы́я



Троици чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе, и сильным твоим представтельством у Господа избави нас от всякаго злаго обстояния: от глады, потопа, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глады страну твою сохранил еси, царя от неисцельнаго недуга избавил и многия грешники к покаянию привел еси, мертвых преславно воскрешал еси, за святость же жития твоего Ангелы невидимо в церкви поющия и сослужащия тебе имел еси. Сице убо прослави тебе, вернаго Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим в скудости и недостаточестве живущим ты усердно помогал еси, люди убогия изобильно во время глады напитал еси и ина многа знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и мирныя и блаженства вечнаго в будущем веке сподобит нас, да вину возсылаем славу



и благодарѣніе Отцѹ, и Сыну, и Дѹху Святѹму, ныне,
и прѣсно, и во вѣки векѹв. Амѣнь.

Молитва вторая

О всеблаженне святителю Спиридѹне, великий
угѹднице Христов и преславный чудотворче!
Предстой на Небесѣ Престѹлу Бѹжю с лики
Ангел, прѣзри мѣлостивым ѹком на предстоящя
зде люди и просящя сѣльныя твоея пѹмощи.
Умоли благоутрѹбие Человеколѹбца Бѹга, да не
осѹдит нас по беззакѹннѣм нашім, но да сотворѣт
с нами по мѣлости Своѣй! Испросѣ нам у Христа и
Бѹга нашего мѣрное и безмятѣжное житиѣ, здравіе
душѣвное и телѣсное, земли благоплѹдіе и во всем
всякое изобѣліе и благодѣнствие, и да не во зло
обратѣм благая, даруемая нам от щѣдраго Бѹга, но
во славу Егѹ и в прославлѣніе твоегѹ заступлѣнія!
Избави всех вѣрою несумнѣнною к Бѹгу приходящих
от всяких бед душѣвных и телѣсных, от всех
томлѣній и дявольских наветѹв! Бѹди печальным
утѣшитель, недѹгующим врач, в напѣстех помѹщник,
нагім покровѣтель, вдовѣцам заступник, сѣрым
защѣтник, младѣнцем питатель, старым укрепѣтель,
странствующим путевождь, плавающим кормчий
и исходатайствуй всем крѣпкия пѹмощи твоея
трѣбующим вся, яже ко спасѣнію, полѣзная! Яко



да твоими моли́твами наставляеми и соблюдаеми, достíгнем в вѣчный поко́й и кúпно с тобо́ю просла́вим Бо́га, в Тро́ице Святе́й сла́вимаго, Отца́ и Сы́на и Свята́го Ду́ха, ны́не, и прѣсно и во вѣки веко́в. Ами́нь.

Моли́тва третья

О преблаже́нне святителю Спиридо́не! Умоли́ благосѣрдие Человеколю́бца Бо́га, да не осудит нас по беззакóнием на́шим, но да сотвори́т с на́ми по ми́лости Своёй. Испроси́ нам, раба́м Бо́жиим (*имена*), у Христа́ и Бо́га на́шего ми́рное и безмяте́жное жити́е, здра́вие душе́вное и телѣсное. Изба́ви нас от вся́ких бед душе́вных и телѣсных, от всех томлѣний и дяво́льских навето́в. Помина́й нас у Престо́ла Вседержи́теля и умоли́ Го́спода, да пода́ст мно́гих на́ших грехо́в прощѣние, безбе́дное и ми́рное жити́е, да да́рует нам, кончи́ны же живото́а непосты́дныя и ми́рныя и блаже́нства вѣчнаго в б́удущем вѣце сподо́бит нас, да непреста́нно возсыла́ем сла́ву и благодарѣние Отцу́ и Сы́ну и Ду́ху Свято́му, ны́не и прѣсно и во вѣки веко́в.

Величание

Величаем тя,/ святителю отче Спиридоне,/ и чтим святу́ю память твою,/ ты бо молиши за нас// Христа́ Бога на́шего.

